



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 9. S. Spiritus respiciens patientiam tribulationes. Ex Veteri. Ex Novo. Ex Patribus.

[urn:nbn:de:hbz:466:1-79369](https://nbn-resolving.org/urn:nbn:de:hbz:466:1-79369)

§. IX.

S. Spiritus respiciens patientiam, tribulationes.

Ex Veteri.

Spiritus Dei ferebatur super aquas. Gen. 1. 2. Neglecto firmamento aquis incumbit. Cur mare prætulit non terræ solum, sed & cælo? Adamavit aliqua in æquore, quæ in homine amaret. Mare ventorum vi concutitur quidem, & fervet; sed litus non excedit, suisque se continet finibus; legis memor vel in futuro. Imitare & tu mare, ut æquus sis. *Turbatus sum, & non sum locutus.* Psal. 76. 5. Job. 1. 20. *scidit vestimenta,* sed labiis non peccavit. v. 22. Oliva l. 9. Strom. §. Spiritus Dei &c.

Bibi vinum meum cum lacte meo. Cant. 5. 1. Hoc vinum meum oblivionem mihi fecit laborum præteritorum, juxta illud: *date siceram mærentibus.* Bibe, & bibendum dedit his, qui amarum mecum fuerunt animo. Biberunt, & obliti sunt egestatis, atque doloris. Denique Spiritum S. dederam illis, Spiritum Paracletum; qui unus, idemque est, & vinum meum, & lac meum. *Vinum meum,* quia gaudium de præsentibus bonis: *lac meum;* quia consolatio de præteritis malis. *Vinum meum,* quia dilectio Dei: *lac meum,* quia dilectio proximi. S. Rupertus l. 4. in Cant. hic.

Ex Novo.

Ipsæ nos baptizabit in Spiritu S. & igni. Matth. 3. 11. Duplex est sensus: alter significans solenne principium ablutionis totius humani generis, celebratum in die Pentecostes &c. Alter significans baptismum tribulationis. Cæteranus hic. *In Spiritu S. & igni,* id est, tribulationis, vel purgativæ, vel tentationis. S. Bonaventura in Luc. 3. Quis hic ignis? Auth. Imp. op. intelligit tribulationes; quibus, quasi igne, suos affligit Christus, & mundat.

Deus meus! Deus meus! ut quid dereliquisti me? Matth. 27. 46. Non deest, qui putet, geminatâ illâ repetitione, Patris, & Verbi, significari Personas: sicut Pl. 66. 7. *benedicat nos Deus, Deus noster; benedicat nos Deus.* juxta Genebrardum, tres divinæ hypostases designantur. Trina repetitio nominis Dei non caret mysterio SSS. Trinitatis. Hinc inquiror: cur Christus D. non conqueritur de Spiritu S.? quia hic est Amor, quod Pater, & Filius, mutuo amore se diligunt. Æquum erat, ut de eo non quereretur, quando patiebatur Christus in cruce. Nam de amore tum conqueri, cum occasione ei dedit patiendi; injuria reputaretur amoris. Castillo Illat. 43.

Ignem veni mittere in terram. Luc. 12. 49. Ignis in terram mittitur, cum per ardorem S. Spiritus afflata terrena mens à carnalibus suis desideriis concrematur. S. Gregorius hom. 2. in Ezech. 1. Tertull. 1. 4. contra Marcion. c. 29. Maldonatus, & Franc. Lucas, per hunc ignem

Polyanth. Sacra. Tom. II

intelligunt odia, dissensiones, tribulationes, & persecutiones, ab Infidelibus.

Vos autem sedete in civitate &c. Luc. 24.

49. Vas igni appositum cito comminuitur, si vacuum sit; quod tamen plenum conservatur. Et quia vala Apostolica debebant consicci in ignem tribulationum; prius repleta sunt Spiritu S., ne comminuerentur. Stella hic.

Apparuerunt illi-ranquam ignis. Act. 2.

3. Ignis portendit tribulationem magnam, & multiplicem; quam passuri erant Apostoli, & Fideles: sed superaturi per ignem amoris divini, quem idcirco hic eis dedit Spiritus S. Cyrill. Jerol. Catech. 17.

Ex Patribus.

Cum Spiritus Dei descendit, individua patientia comitatur eum. Si nos cum Spiritu admiserimus, in nobis morabitur semper. Imò nescio, an diutius perseveret sine sua comite, & ministrâ. Tertullian. lib. de pat. in fine.

Sæpe propter Christum afficitur contumelia, & ignominia, quispiam: Martyrium imminet; tormenta undique, & ignis, & gladius, & bestia, & gurgites. Verum interea Spiritus S. alloquitur: sustine Dominum: parva sunt ista, quæ fiunt: brevè tantum tempore labora; & in sempiternum eris cum Angelis. S. Cyrill. Jerol. Catech. 16.

Via Christianæ religionis sic se habet: ubi Spiritus S. ibi illic sequitur, velut umbra, persecutio, & pugna. S. Macarius hom. 14.

Sicut mare, cum turbatur, oleo infuso, cedit naturâ suâ tempestas, lenitate olei procellam extinguente: sic anima nostra, cum lenitur gratiâ Spiritus S., jucundè tranquillatur. S. Diadochus Ep. de perfect. Spir. c. 35.

Repleti sunt omnes Spiritu S., id est, inebriati sunt omnes divino amore. Talis ebrietas in hoc consistit: quod homo tanto amore erga Deum continuè inardescat; ut non solum fallidat creaturæ solatium; sed etiam quærat, & delectetur, invenire tormentum; pro solatio sibi reputans omnem pœnam, opprobrium, & flagellum. S. Bernardinus l. in die Pent.

§. X.

S. Spiritus respiciens charitatem, pacem.

Symbola

Ex Veteri.

Columba.

Rursum dimisit columbam ex Arca. At illa venit ad eum ad vespertam, portans ramum olivæ viventibus foliis in ore suo. Gen. 8. 10. 11.

Et vidit Spiritum Dei descendentem sicut columbam. Matth. 3. 16. Columba animal est, quod, præ omnibus volatilibus cæli, homines amat; & contubernale est, ac mansuetum, innocensque, & fecundum, & domesticum: quod versatur, quiescit, & habitat, in domibus nostris. Sicut & Spiritus S. dicit de nobis: quia habitabo, & conversabor cum

Uuu u 2

cis,